


հաստատելու գործին: Տարաբաղդաբար այն արձանագրությունները, վորոնք կապված են Գրիգոր Սաղբակյանի անվան հետ, պակասավոր են կամ յեղծված, ուստի և լիովին զաղափար չենք կազմում իշխանի առատաձեռնություն և շենքի մասնակցություն չափի մասին, բայց նշանակված պատարագների թիվը ցույց է տալիս, վոր նորա ոժանդակությունը մեծ էր. ինչպես ել լինի, այս վանքը շինված է նորա իշխանություն և առաջին տարիներում, և պետք է Սաղբակյանց ստեղծագործություններից մեկը համարել, թեև վատ վիճակի մեջ հասած մեզ (պատկ. 19): Գրիգոր Սաղբակյանի անունով մեր ձեռքը յերկու մեծ արձանագրություն՝ հասել. դրոցանից մեկը զետեղված է բնականաբար ամենապատվավոր տեղում՝ դրան կամարակալ քարի վերա, ուր և գտնվում է վերջին դատաստանը ներկայացնող նուրբ բարձրաքանդակ խմբանկարը. այս արձանա-

«գաբ նշան յեկեղեցիս եւ այլ բազում [արդիւնս] Բարեբաղդաբար մի ուրիշ արձանագրություն, դրան աջ կողմի պատի վերա, պարզում է, թե ճշ էր Գրիգորի ամուսինը. «Ես Զազա (թէ՞ Զազս) մայր Վասակայ եւ կողակից Գրիգորո աւգնեցի տան[ս եւ ետու սպ]ասն պատուական ...»*, վորի համար և սպասավորները պատարագ են նշանակում «Վարդավառին շաբաթն աւրն եւ կիւրակէ»: Քիչ հետո կտեսնենք, վոր Գրիգոր Սաղբակյանն ունեւր մի վորդի Վասակ անունով, և ուրեմն, «մայր Վասակայ եւ կողակից Գրիգորո» Զազան վոչ այլ վոք է, բայց յեթէ Գրիգոր Սաղբակյանի ամուսինը, «մայր Վասակայ» է կոչված այն պատճառով, վոր արձանագրությունը գրված է ամուսնու մահվանից հետո: Գրիգոր Սաղբակյանը մի ուրիշ արձանագրություն ունի տաճարի հարավային պատի վրա դրսից, յերկրորդ լուսամտի (դեպի արեւելք) աջ կողմից, վորից յերևում է,



Աղջոց վանք. Պողոս և Պետրոս առաքյալները.

Պատկեր 25.

գրությունը համեմատաբար լավ է պահված, բայց յեղծված են և հաղիվ նկատելի ՈՒԹ թվականի տասնավորն ու միավորը, ինչպես և կրճատված ԲՎ. բառի առաջին տառը: Արձանագրության մեջ նա հայտնում է, թե «աւգնեցի եկեղեցոյս բազում արդեամբք», վորի համար և սպասավորները նշանակել են աւագ խորանի «Եւ շաբաթ եւ շաբաթ աւրն հանապազ»: Սույն արձանագրության կցված է անմիջապես մի յերկրորդը, սակայն առաջին տողերի սկիզբը շատ մաշված և միայն աղոտ կերպով ընթեռնելի «ամուսին Գրիգորո» բառերը. նա տալիս է

թե մի «մեծ հող» է նվիրել «եւ այլ արդիւնք». արձանագրությունը շատ մասերով փչացած է:

Գրիգոր Սաղբակյանի վորդին եր Վասակ, վոր արդեն հիշատակված տեսանք մոր արձանագրության մեջ. բայց նա ինքն ունի յուր արձանագրությունը, տարաբաղդաբար յեղծված և վերջին կեսն իսպառ անընթեռնելի: Բուն տաճարի հյուսիսային պատին կցված

* Փակագծի մեջ առնված մասերը մենք ենք լրացրել. այս և հիշատակված արձանագրությունների ամբողջությունը տես Մասն Բ. գլ. Գ: